



«10» 04 2026թ.

№ 11632/483

«ԵրՄՄԳՀԻ» ՓԲԸ-ին /ՀՎՀՀ 00001672/

ՀՀ, ք. Երևան, Հ. Հակոբյան փ. 3

Հեռ.՝ +374 15 272700

ՀՀ պաշտպանության նախարարության և «ԵրՄՄԳՀԻ» ՓԲԸ-ի միջև 21.04.2017թ. կնքված N ԲԸԱՀԱՇՁԲ-13-7 ծածկագրով գնման պայմանագրի (այսուհետև՝ Պայմանագիր) շրջանակներում «ԵրՄՄԳՀԻ» ՓԲԸ-ն գիտահետազոտական և փորձակոնստրուկտորական աշխատանքների կատարման արդյունքում պայմանագրի թեմայով նախատեսված աշխատանքները չի կատարել:

Հիմք ընդունելով Պայմանագրի 2.1.5 կետի «բ» ենթակետը՝ (կատարողը բազմիցս խախտել է սույն պայմանագրով սահմանված Աշխատանքի կատարման ժամկետները) ՀՀ պաշտպանության նախարարությունը 09.04.2026թ.-ին միակողմանի ամբողջությամբ լուծում է վերոնշյալ պայմանագիրը:

Տեղեկացնում եմ, որ «ԵրՄՄԳՀԻ» ՓԲԸ-ն պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ պետական բյուջեի 900005028106 հաշվեհամարին փոխանցել 124 491 000 ՀՀ դրամ՝ որպես տույժ (Պայմանագրի 6.3 կետի համաձայն), 1 377 500 ՀՀ դրամ՝ որպես տուգանք (Պայմանագրի 6.5 կետի համաձայն), որը հաշվարկված է մինչև 25.01.2023թ. ներառյալ: Ինչպես նաև Պայմանագրի միակողմանի լուծման արդյունքում ՀՀ պետական բյուջեի 900005570115 հաշվեհամարին ենթակա է վճարման նաև պայմանագրի առանձին փուլերով կատարված աշխատանքների դիմաց վճարված 112 885 500 ՀՀ դրամը (Պայմանագրի 6.5 կետի համաձայն), ինչպես նաև

162 004 250 ՀՀ դրամ՝ ընկերության կողմից ՀՀ պաշտպանության նախարարության նկատմամբ վերոնշյալ պայմանագրի շրջանակներում առկա պարտավորությունը (հաշվապահական հաշվառման մեջ ձևակերպված դեբիտորական պարտքը), որից 158 000 000 ՀՀ դրամը հանդիսանում է կանխավճարի ապահովման բանկային երաշխիքով հատկացված կանխավճար, իսկ 4 004 250 ՀՀ դրամը հանդիսանում է աշխատանքների ուշացման հետևանքով հաշվարկված տույժ: Նշված գումարների վճարված լինելը հավաստող փաստաթղթերի բնօրինակները անհրաժեշտ է մինչև 2026թ. ապրիլի 20-ը ներառյալ ներկայացնել ՀՀ ՊՆ գնումների կազմակերպման վարչություն, 2077 սենյակ:

Հայտնում եմ, որ վերոնշյալ գումարները Ձեր կողմից չվճարելու դեպքում ՀՀ պաշտպանության նախարարությունը կձեռնարկի միջոցներ դրանց գանձելու ուղղությամբ:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը:

Տեղեկացնում եմ նաև, որ վերոգրյալի համաձայն «ԵրՄՄԳՀԻ» ՓԲԸ-ն կընդգրկվի գնումների գործընթացին մասնակցելու իրավունք չունեցող մասնակիցների ցուցակում:

Հարգանքով՝



Կ. ԲՐՈՒՏՅԱՆ